

Gronda onur per Giovanni Netzer

Il Surmiran retschaiva l'«anè Hans Reinhart», la pli auta distincziun dal teater svizzer

■ (abc) **Cussegliev guvernativ Stefan Engler ha tegnì glindesdi il pled da Bumaun en il chastè da Riom. Cun quella chaschun ha el annunzià ina legraivla surprisa. Per l'emprima giada vegn in Grischun undrà cun il «anè Hans Reinhart», la pli auta distincziun dal teater svizzer.** Giovanni Netzer, il purtader da l'anè Hans Reinhart 2007, haja lavurà durant decennis per il project Origen. El haja propi merità questa distincziun prestigiusa, ha cussegliev guvernativ *Stefan Engler* declarà en ses pled da Bumaun en il chastè da Riom. El ha exprimì ses plaschair che la pli auta distincziun dal teater svizzer per l'onn 2007 vegn en il Grischun. L'uffizi federal da cultura e la Societad svizra per la cultura da teater avevan annunzià la surdada da l'«anè Hans Reinhart 2007» a Giovanni Netzer. Quest premi renomà vegn surdà dapi l'onn 1957, pia dapi 50 onns. Igl è dentant l'emprima giada ch'in Grischun retschaiva el. Giovanni Netzer sa metta en retscha cun personalitads sco *Di-*



Giovanni Netzer, il reschissur, autor, promotur ed organisatur da projects da teater, è l'emprim Grischun che retschaiva la distincziun da reputaziun nazionala.

MAD

mitri, Mathias Gnädinger u Bruno Ganz. Betg sulet per l'undrà mabain per l'entir Grischun central ed oravant tut per Surmir

munta questa distincziun reconuschientscha e motivaziun per l'engaschi cultural da blers. «L'anè è ina gronda schanza per

noss teater e per l'entira regiun. Usa vali da nezegiar questa», ha Giovanni Netzer replitgà en ses engraziament.